

關中金石文字存逸考

關中金石文字存逸考卷八

揚州甘泉毛鳳枝撰

醴泉縣

隋

上柱國德陽公梁君碑

正書
無年月

存

全文見昭陵碑考

此碑今在醴泉縣昭陵墓田之內一云在醴泉縣叱干村距縣九十里碑額篆書陽文題曰大隋柱國德陽公之碑平湖孫桂珊氏三錫著昭陵碑考曾錄其文鳳枝又以拓本證之其可識

者有曰烏氏人也晉爲盟主宏乃禦戎漢□□
□松□受邑□□□傳芳於拙隱又云祖□武
衛將軍又云大總管府滄州刺史司空公又云
俄除驤威將軍員外奉朝請又云齊王率眾東
伐師次伊川公領騎北芒兵交洛汭又云授都
督雍州諸軍事雍州刺史封平□□□伯又云
周□使持節□開府儀同三司大將軍德陽郡
公食邑一千五百戶又云乃以公爲行軍總管
又云授大將軍尋轉柱國□封一子又云持節
總管涼甘瓜三州諸軍事涼州刺史又云□月

十四日薨於京第春秋七十有九又云以其年
口口月廿九日厝於九嶼山又云嗣子武泉郡
開國公孝讓云云此其大略也案碑中三代名
諱及本人之名均已磨泐因碑云晉爲盟主宏
乃御戎係用左傳梁宏御戎事漢口口口松口
受邑係用後漢書梁松嗣封陵鄉侯事口口傳
芳於拙隱係用後漢書梁鴻事而安定烏氏實
爲梁氏郡望故定爲梁君而其名則不可考矣
碑中所謂齊王則西魏宇文泰子齊王憲也此
碑存字無多而書法精整實隋刻之佳者 文

獻通考貞觀十八年太宗詔營山陵於九峻山之上左右兆域內其人無得葬埋古墳則不毀之故此碑得存也

唐

虞恭公溫彥博碑

岑文本撰歐陽詢正書貞觀十一年十月

存

全文見金石萃編

雍州金石記云在醴泉縣北二十五里煙霞洞西昭陵南十里案此碑今有重模本

襄公段志元碑

正書貞觀十六年

存

全文見金石萃編

雍州金石記云在醴泉縣北二十里莊河村昭陵南十里關中金石記云在醴泉縣儀門村

國子祭酒孔穎達碑

正書

貞觀十一年

存

全文見金石萃編

雍州金石記云在醴泉縣北二十里古村昭陵

南十里關中金石記云在醴泉縣西谷村

申文獻公高士廉塋兆記

許敬宗撰趙模正書
無年月碑云薨于貞觀二

十一年正月

存

全文見金石萃編

雍州金石記云在醴泉縣北二十五里煙霞洞

昭陵南十里關中金石記云在醴泉縣劉洞村
碑側有題字二行一爲六代孫元裕一爲六代
孫少逸均會昌四年題

段儼妻文安縣主墓誌銘

正書

貞觀二十二年二月

未詳所在

全文見隋唐石刻拾遺

誌云陪葬於昭陵案此石嘉慶時在醴泉出土
後歸乾州某氏今未詳所在矣有重模本

晉州刺史順義公碑

上官儀正書

貞觀二十二年

存

全文未見

雍州金石記云在醴泉縣北二十里古村昭陵南十里碑首八分書大唐贈晉州刺史順義公碑銘十二字碑已殘缺可識者五十餘字字極小故磨泐若此 寶刻類編作晉州刺史裴藝碑上官儀撰褚遂良書貞觀二十三年立

梁文昭公房元齡碑

褚遂良正書寶刻類編云貞觀中立

存

全文見金石萃編

雍州金石記云在醴泉縣北二十里煙霞洞西昭陵南十里考慈恩同州聖教序已經後人重摹惟此碑猶係真迹所存之字筆畫極細而神

妙欲到秋毫顛杜丁部云褚公書絕倫良不虛也鐫刻之工於瘦細中所用枯筆刻畫畢露神乎技矣麟遊縣萬年宮碑陰有褚公題名一行亦係真迹也

芮公豆盧寬碑

李義府撰正書
永徽元年二月

存

全文見昭陵碑考

雍州金石記云在醴泉縣西北二十里下巖峪昭陵南十里正書精健有法關中金石記云在醴泉縣西峪村

汾陰獻公薛收碑

金石錄云于志寧撰正書
永徽六年八月

存

全文見金石萃編

雍州金石記云在醴泉縣北二十里趙村昭陵南十里關中金石記云在醴泉縣儀門村此碑存字無多而字極適秀可寶也

中書令昭公崔敦禮碑

于志甯撰于立政正書
顯慶元年十月

逸

全文未見

雍州金石記云在醴泉縣北二十里昭陵南十里碑首篆書三十字可識者大唐太子故少師中書令開府儀同三司并州大都督二十一字碑已漫滅僅存百餘字可識者有云于志甯字

仲謚作文有云曾祖宣猷周梁州總管云云關
中金石記云在醴泉西谷村案此石今久逸矣

趙岫遊九嶷山記云余至西峪村

俗書谷作峪
秦人讀若餘

令王甥攜拓工盡拓諸碑方拓而王甥馬忽逸
追之馬止處一碑仆地王甥語余余募人起之
乃崔相公敦禮碑大半完好案此碑趙子函曾
見之疑既經扶立之後又仆於地故無從訪拓
也 嘗閱唐人文有種松賦一篇題云崔敦禮
字安上撰卽謂此碑崔敦禮也余翫其文義極
似宋人四六體裁決非唐初筆墨而敦禮在唐

初時時奉使外藩乃蘇武之流非文士也心竊疑之謹按四庫全書目錄有宮教集十六卷南宋崔敦禮撰撰此賦者當卽其人非唐初之崔敦禮也附記于此以廣異聞

禮部尙書張允碑

李義府撰正書顯慶三年

存

全文見金石萃編

雍州金石記云在醴泉縣北二十里西屯村昭陵南十里關中金石記云在醴泉西谷村

衛景武公李靖碑

許敬宗撰王知敬正書顯慶三年五月

存

全文見金石萃編

雍州金石記云在醴泉縣北二十里煙霞洞旁

昭陵南十里關中金石記云在醴泉劉洞村

鄂國忠武公尉遲恭碑

許敬宗撰正書
顯慶四年三月

存

全文見金石萃編

雍州金石記云在醴泉縣北二十里趙村北昭

陵南十里關中金石記云在醴泉小陽村

蘭陵長公主碑

李義府撰寶懷哲正書
顯慶四年十月

存

全文見金石萃編

雍州金石記云在醴泉縣北二十里老軍營西

北昭陵南十里關中金石記云在醴泉下古村

蘭陵公主太宗女也新唐書有傳百官志云皇姑爲大長公主正一品姊爲長公主女爲公主皆視一品皇太子女爲郡主從一品親王女爲縣主從二品

冠軍大將軍代州都督許洛仁碑

正書

龍朔二年五月

存

全文見金石萃編

雍州金石記云在醴泉縣北二十里趙村昭陵

南十里關中金石記云在醴泉縣儀門村

左戎衛大將軍杜君綽碑

李儼守仲思撰高正臣正書
龍朔三年二月

存

全文見金石萃編

關中金石記云在醴泉高正臣於唐時有書名
此碑字體極其秀逸 新唐書百官志左右領
軍衛大將軍各一人正三品龍朔二年改左右
領軍衛曰左右戎衛

清河長公主碑

李儼文楊整正書
寶刻類編云麟德元年十月立

存

全文見昭陵碑考

雍州金石記云在醴泉縣北二十里老軍營昭
陵南十里清河公主太宗女也新唐書有傳

紀國陸先妃碑

正書
乾封元年十二月

存

全文見金石萃編

關中金石記云在醴泉縣西屯村昭陵碑考云
在醴泉縣北二十里西村昭陵南十里陸先妃
者太宗子紀王慎之妃也

內侍汶江侯張阿難碑

瑤臺寺僧普昌正書
咸亨二年九月

存

全文見金石萃編

雍州金石記云在醴泉縣北二十里馬旗寨昭
陵南十里關中金石記云在醴泉西谷村

中書令馬周碑

許敬宗撰殷仲容八分書
上元元年十月

存

全文見金石萃編

雍州金石記云在醴泉縣北二十里古村昭陵

南十里關中金石記云在醴泉下古村

薛公阿史那忠碑

正書

上元二年十一月

存

全文見金石萃編

雍州金石記云在醴泉縣北二十里西峪村昭

陵南十里

贈太尉英貞武公李勣碑

高宗御製并行書
儀鳳二年十月

存

全文見金石萃編

雍州金石記云在醴泉縣北二十里趙村昭陵

南十里關中金石記云在醴泉劉洞村

案通鑑唐紀高宗總章二年十一月司空太子
太師英貞武公李勣寢疾謂其子弟曰吾本山
東田夫遭值聖明致位三公年將八十考異曰
舊傳云勣年八十六臨終語弟弼云年將八十
新傳云年踰八十按新舊傳實錄皆云大業末
翟讓聚眾爲盜勣年十七往從之自大業十三
年至此五十二年若據舊傳年八十六則年十
七當在開皇時不得云大業末也總章元年賈
言忠對高宗云勣年登八十去此止一年若據
新傳勣滅高麗時年已八十五亦不得云年登

八十今從實錄案温公之疑可謂讀書得閒實
事求是豈後人鹵莽滅裂所可幾及耶蓋其時
勣碑尙未大顯故温公未見然其考證之精千
載之後令人神往今碑云勣以總章二年十二
月三日薨於私第春秋七十有六則温公所云
年將八十之語適相符舍後之讀書者固宜私
淑温公也又案今浙江書局所刻舊書李勣傳
亦作年七十六而温公所見舊傳則
作八十六
未知其審

幽州都督牛秀碑

正書
無年月

存

全文見隋唐石刻拾遺

隋唐石刻拾遺云在醴泉昭陵秀字進達

清河公房仁裕碑

崔融撰房琳正書
年月泐

未詳所在

全文見金石萃編補遺

唐會要及文獻通考所著昭陵陪葬諸臣有兵

部尙書房仁裕案此卽其墓碑也

碑名見京兆金石錄此

碑亦當在醴泉昭陵今僅存半截未詳所在矣

篆額云大唐清河房忠公神道之碑碑前題云

贈兵部尙書房忠公神道碑口口清河縣開國

子崔融撰孝孫國子監丞琳書碑云祖敬道官

至司空府集曹參軍又云公時年十八雄略過

人又云與裴仁基等謀背王充將歸口口又云
建德受縛王充請降又云爲口口者所嫉口授
麟州刺史又云遷使持節都督潭道口口又云
尋而奪禮授金紫光祿大夫又云口口江左口
制命公杖鉞出征賜寶刀一口又云會病不果
行中使相望名醫結轍春秋七十六粵以二年
又云詔贈左驍衛大將軍又云陪葬於口口又
云幽州口口口口國口口仁裕口口口口可贈
兵部尙書此其大略也蓋拓本僅得其半鑿字
尤多以意連屬之僅得梗概幸碑額尙存仁裕

之名未經刊去故知爲房仁裕碑也此碑之名
僅見於京兆金石錄其餘金石諸書及平湖孫
桂珊三錫昭陵碑考均未著錄余得拓本因爲
表而出之且加考訂焉時光緒紀元六月八日
高樹早涼清風拂拂也 碑云子充名在儒林

蓋用漢書儒林傳房鳳事漢書充作元撰文之
崔融字安成齊州全節人新唐書有傳藝文志
崔融集六十卷今逸全唐文載融文此碑未載
前人撰著散佚者多矣偶賴石刻以傳又爲風
雨剝蝕牧豎摧毀是可憾也

新唐書百官志國
子監丞一人從六

下品

右監門將軍內侍王君碑

正書
年月泐

逸

全文未見

關中金石記云在醴泉縣莊河村雍州金石記云徧覓未得案石墨鐫華云碑書勁健可錄碑額題左監門將軍而多泐其存者有云武德九年授內侍有云貞觀四年遷右監門將軍進爵爲公有云尋加正議大夫內侍如故有云吐谷渾據龍沙有云又出使吐蕃有云二十二年遷使持節云云余因此碑久逸錄其遺文以備後

人尋訪也

散騎常侍褚亮碑

八分書
無年月

金石錄云高宗時立

存

全文見金石萃編

雍州金石記云在醴泉縣北二十五里煙霞洞

關中金石記云在醴泉西谷村亮遂良父也

右虞候副率檢校左領軍衛將軍乙速孤神慶碑

苗神

客撰釋行滿正書
載初二年二月

存

全文見金石萃編

雍州金石記云在醴泉縣北六十里叱干村或

云叱干村距縣八十里 新唐書百官志東宮

官屬太子左右率府副率各二人從四品上左
右虞候率府卽太子左右率府也開元初復曰
左右清道率府一神慶碑云厝於雍州醴泉縣
履中川行儼碑云與其夫人賀若氏合葬於雍
州醴泉縣白鹿鄉李中川先夫人之塋次蓋其
塋地在昭陵兆域之外非陪葬也又李中川卽
履中川音同字異耳

姜遐

斷碑

姪郵公暉撰并正書
天授二年十月

未詳所在

全文見金石萃編

雍州金石記云在醴泉縣北二十五里莊河村

今未詳所在矣

右武衛將軍乙速孤行儼碑

劉憲撰白義暉入分書
開元十三年二月

存

全文見金石萃編

雍州金石記云在醴泉縣北六十里叱干村

莒公唐儉碑

正書
開元二十九年二月

存

全文見金石萃編

雍州金石記云在醴泉縣北二十五里小陽村

案昭陵碑存者溫彥博段志元孔穎達高士廉

順義公房元齡豆盧寬薛收張允李靖尉遲恭

蘭陵長公主許洛仁杜君綽清河長公主陸先
妃張阿難馬周阿史那忠李勣牛秀褚亮唐儉
共二十三種房仁裕碑有拓本而未詳原石所
在其崔敦禮王君姜遐三碑已逸而乙速孤神
慶乙速孤行儼不在陪葬之列秦中帖買則悉
呼爲昭陵碑云

尊勝陀羅尼經咒石鼓

正書
無年月

存

雍州金石記云在醴泉縣趙村廣濟寺

同官縣

唐

雍州同官縣武定村造阿彌陀四面像銘

張懷志正書儀鳳

三年

存

全文見金石萃編

今在同官縣張懷志無書名而書法流麗可翫
舊拓本有儀鳳三年字新拓則無蓋下截已爲
人斲去數字矣

尊勝陀羅尼經幢

正書

大和八年口月

未詳所在

隋唐石刻拾遺云幢高四尺九寸下截剝落在
同官後題大唐大和八年某月京兆府同官縣
餘文泐案此石今未詳所在

重興寺石柱幢

正書

未詳所在

寰宇訪碑錄云在同官今未詳所在

耀州

唐

隋桂州總管武康郡公令狐熙碑

于德棻撰正書唐乾封二年

五月

存

全文見金石萃編

隋唐石刻拾遺云在耀州西北四十里柳家原墓上案熙爲令狐整子附見北史令狐整傳中

彭陽憲公令狐德棻碑

政正書

年月泐文稱高宗爲今上故

列于此

存

全文見金石萃編

隋唐石刻拾遺云在耀州墓上墓在其父熙墓

側喬三石世甯耀州志云熙與德棻墓在沮水

西碑半殘缺不辨誰書然字類薛歐案德棻新

唐書有傳

鐘銘

正書
貞元□□年

未詳所在

韓子馥少尉恩港所鍊金石目云此鐘在耀州

今未詳所在矣

商州

唐

武關戍主孫閣敬詢等造像記

正書

開元十八年閏六月

未詳所在

記云維大唐開元十八年閏六月十五日陪戎副尉武關戍主上柱國開國公孫閣敬詢等願閣家平安敬造石像一鋪佛弟子戍主上柱國蕭元昶又一側題云宏農楊思義造成餘皆造像施主題名案此石未詳所在題云武關戍主武關在商州東百八十里故屬之商州云新唐書百官志武散階從九品下曰陪戎副尉

又此石題銜有武關驛長字樣百官志云兵部
駕部郎中掌傳驛之籍凡三十里有驛驛有長
又百官志關令注云凡關有驛道者爲上關然
則武關上關也

同州府

北周

甘州刺史宋金保等十七人造像記正書
天和元年十一月

全文見金石萃編補遺

今在同州府城內字迹古秀而整齊北碑佳刻

也

隋

同州武鄉縣大興國寺舍利塔銘

入分書
仁壽元年十月

逸

金石文字記載其文曰維大隋仁壽元年歲次

辛酉十月辛亥朔十五日乙丑皇帝普爲一切

法界幽顯生靈謹於同州武鄉縣大興國寺奉

安舍利敬造靈塔願太祖武元皇帝元明皇后

皇帝皇后太子諸王子孫等并內外羣官爰及

民庶六道三塗人非人等世世值佛聞法永離

苦空同昇妙果案此石本在同州今久逸矣

隋書地理志馮翊郡馮翊縣後魏曰華陰西魏
改爲武鄉置武鄉郡開皇初郡廢大業初改名
馮翊置馮翊郡方輿紀要云隋馮翊廢縣在今
陝西同州城南

諸佛舍利寶塔額

八分書

存

全文見雍州金石記

今在同州府城內隋唐石刻拾遺云塔額在同
州興國寺卽隋大興國寺數十年前塔毀僧俗
以隋所刻武鄉縣大興國寺舍利塔銘與舍利
爲家葬之故僅存其額焉余案額旁有環州通

判題銜案五代周始置環州卽今甘肅環縣隋時未置環州也通判官名亦非隋時所有此額疑非隋刻矣俟考 案隋仁壽時以舍利分置

諸州皆有塔銘今存者有青州舍利塔下銘孟

八分書在山東益都縣鄧州舍利塔下銘正書在河南布政司庫係圓石

疑係重刻岐州舍利塔下銘正書在陝西扶風縣字甚精整信州舍

利塔下銘正書在四川夔州府近時新出其文大概相同惟書

法或隸或楷則不同耳

成口墓誌銘石蓋正書

逸

右石蓋題云大隋同州儀同姑臧郡太守成口

口口誌銘十七字缺二字字甚古勁因有同州
二字故屬之同州焉

唐

三藏聖教序并記

太宗御製序高宗御製序記
遂良正書 龍朔三年六月

褚

全文見金石萃編

存

今在同州府城內俗呼爲同州聖教以別于雁
塔聖教云

騎都尉李文墓誌銘

正書

麟德元年四月

存

全文見金石萃編

此石今在同州府城內金塔寺誌云合葬于同州府馮翊縣武城鄉之平原禮也案漢書地理志武城縣屬左馮翊方輿紀要云漢武城故城在今同州東北此誌之武城鄉卽漢志之武城縣李文葬於武城鄉此誌出於同州是左馮翊之武城當在今同州府大荔縣境矣

上柱國咸陽府長上果毅楊智積墓誌銘

正書
乾封二年

八月

存

全文見古誌石華續編

誌略云君諱智積字仲謀宏農華陰人也曾祖

欽周任夏州刺史祖磨隋鷹揚父神通居義府
果毅大將軍商河男君素秉瓊津夙承蘭秀仁
孝白天忠恪彌著以功授上柱國咸陽府長上
果毅以甌越閩駱蟻聚蜂屯水薪火耕鴟張鼠
竄以公果勇差副元戎前茅慮無中權後勁有
征無戰承響自清旋凱嶺南倏同諸葛身死王
事抑類伏波生入玉門遂乖定遠以龍朔二年
五月廿二日薨於滕州道行軍所春秋五十有
一夫人程氏杏梁推搆奄棄遐齡粵以乾封二
年八月十八日合葬於馮翊北臨高鄉之原云

云

此石近時出土同州府續志云在同州府案唐時同州治馮翊縣方輿紀要云唐馮翊縣舊城在今同州城南又新唐書地理志同州有府二十六第六十四曰臨高府此誌之臨高鄉卽唐志之臨高府矣又新唐書兵志凡天下十道置府六百三十四皆有名號而關內二百六十有一是關內將居天下之半地理志云京兆府有府百三十一是京兆又居關內之半惟京兆所屬僅存十一府其餘皆逸此誌所載居義咸陽二

府當卽京兆所屬府兵之名也可以補史之闕
此誌雖初唐人書而沈著勁快猶有北朝遺意
且鋒穎如新可寶也

苑西面副監孝子房惠琳墓誌銘

正書

開元二十一年三

月

存

全文見古誌石華續編

誌略云公諱惠琳字惠琳清河人也曾祖燦建
州司戶參軍祖士豐將作丞考亮吏部選公解
褐調補總監主簿無何改蜀州清城縣尉轉長
甯公主府大農丁太夫人憂去官蓬髮垢容絕

漿泣血毀過於禮殆無人形伊曾閱之後身歎
何塵軌之或繼也孝則不匱感而遂通達於神
明彰於休社青萱絲篠凌霜雪而抽萌狡兔野
鷹入邱壟而狎義鄉黨譽其節焉朝廷式其門
焉既免服 詔以忠臣資於孝子除延州延水
縣令尋遷汾州靈石縣令入拜苑西面副監以
開元廿年五月十六日遘疾卒於崇化里第也
時年六十五夫人汝南周氏女師克訓壺德惟
修春樹凋零墳芟蕪沒以開元廿一年三月十
二日附於龍首原先塋禮也長子詢次子子岳

等云云

案此石本出咸甯長安二縣境後爲同州某氏所得故同州府續志云今在同州也房公以孝名誌中青萱綠篠狡兔野麋皆其孝道所感當係實事非虛語也文旣雅潔書法酷肖褚河南而所紀又係孝子可謂誌中三絕 新唐書百官志司農卿所屬京都諸宮苑總監主簿各二人從九品上京都諸園苑監苑四面監監各一人從六品下副監各一人從七品下注云顯慶二年改倉貨監曰東都苑西面監房公爲苑西

面副監當卽此官也誌云房公嘗爲長甯公主
府大農案百官志惟親王府有大農一人從八
品下公主府則無豈先設而後省歟長甯公主
中宗女下嫁楊慎交後嫁蘇彥伯 又百官志
上州司戶參軍事二人從七品下中州一人正
八品下下州一人從八品下將作監丞四人從
六品下

令長新誠

元宗御製韋堅正書
開元二十五年二月

未詳所在

全文見第九卷乾州石刻

寰宇訪碑錄云在同州府大荔縣今未詳所在

近時卽墨周林臣直刺史

銘旌

於乾州訪得令

長新誠一石開元二十四年二月所刻與此碑

年月相近其文必相同也詳考見第九卷乾州

顏魯公奉使蔡州書

顏真卿行書
無年月下方刻魯公像中段刻

宋靖康元年唐重題字
魯公書刻於上方

存

書云真卿奉命來此事期未竟止緣忠勤無有
旋意然中心悵悵始終不改遊於波濤宜得斯
報千百年間察真卿心者見此一事知我是行
亦足達於時命耳

人心無路見

時事只天知

跋云觀此筆蹟不顯歲月以事實考之蓋使李

希烈時也希烈以建中元年陷汝州盧杞建議

遣公奉使正元元年八月丙戌

正元卽貞元宋人諱貞字故書

爲公不幸遇害困蹟賊庭者逾二年刃加於頸

而色不變度無還期誓不易節蓋書此以自表

云重旣募公之像於蒲繪而祠之又訪得此石

本狀兒老矣公以乾元元年自同徙蒲至奉使

時垂三十年氣節不衰而狀兒非昔也乃刻石

而置之祠室俾觀者有考焉靖康元年七月壬

申朔朝散郎禮閣修撰知同州軍州事唐重書

石刻考字作考焉字謬
作馬蓋摹刻之誤也

金石萃編云今在同州府學潛研堂金石文跋
尾云重字聖任眉州彭山人建炎初以天章閣
直學士知京兆府與金人戰城陷死之蓋忠義
得之性成宜其有慕於魯公也

大荔縣

唐

贈太尉祁國公王仁皎碑

張說撰明皇御書八分書
開元七年十月

未詳所在

全文見金石萃編

關中金石記云在同州羗白鎮今未詳所在矣
羗白鎮今屬大荔爲縣丞治所

潼關廳

北魏

滎陽令楊祖興墓誌

延昌元年十一月

逸

全文未見

潼關新志云乾隆六十年七里屯西北村北居
人掘土見墓其誌云延昌元年十一月二十三
日滎陽令恆農楊祖興墓嘉慶九年進士朱希

仁立石記之案此石今久逸矣恆農卽宏農北
魏諱宏字故改宏農爲恆農

隋

觀德王楊雄碑

岑文本撰

逸

潼關新志云隋觀德王楊雄墓在潼關西十里
有唐中書侍郎岑文本碑今碎案此石今久逸
矣

郃陽縣

漢

郃陽令曹全碑并碑陰

入分書
中平二年

存

全文見金石萃編

雍州金石記云郃陽縣 文廟中碑陰字在

體較小若不經意而極有古趣

十三字殘碑

八分書

存

殘字見金石萃編

雍州金石記云在郃陽康氏家

三國魏

十八字殘碑

八分書
黃初五年

逸

殘字見金石萃編卽黃初殘碑也

雍州金石記云在郃陽屈氏家今久逸矣石末

題云乾隆五年夏五既望得於洽陽莘野臨漢

圃藏

唐

王居士磚塔銘

上官靈芝撰敬客正書
顯慶二年

存

全文見金石萃編

此石本出長安縣南山楸梓谷中

見顧亭林金石文字記

後爲郃陽一帖賈攜去弟兄數人爭此石因碎爲七訟之官官納於庫今存其五在郃陽縣庫中其全文完好者多重模本也唐人墓誌塔銘書法秀逸以此爲最惜全拓舊本不可多得矣

五石中一石較大後刻蘇東坡七言絕句一首
係行書 古誌石華云河南河內縣有唐衛府
君劉夫人合葬墓誌銘天寶六載刻書法適秀
絕類磚塔銘云

檢校太子賓客爾朱達墓碣

程彥矩撰正書
無年月

存

全文見古誌石華

關中金石記云在邵陽縣朱家河朱家河本名
大谷河此石係墓誌銘而題云墓碣未知其審

澄城縣

北魏

宕昌公暉福寺碑

正書

太和十二年正月

存

全文見金石萃編補遺

碑略云散騎常侍安西將軍吏部內行尚書宕

昌公王慶時於本鄉南北舊宅上爲 二聖造

三級浮圖各一區云云寰宇訪碑錄所謂北魏

造三級浮圖碑河南洛陽董氏拓本者卽此碑

也碑額題大代宕昌公暉福寺碑篆書陽文完

好如新王慶時係宦者北魏書佞幸傳云王慶

時本李潤羌也案李潤鎮名方輿紀要云在同

州東北以地望準之正當今澄城縣境澄城固

在同州府城東北也碑云於本鄉南北舊宅造
三級浮圖以此知立碑之處卽李潤故地矣竇
字記云李潤在奉先縣東北五里奉先爲今蒲
城在同州府之西似覺未合

一帖賈云此碑在距澄城縣二十里之楊家壩
以東暉福寺內四面皆有字一帖賈云在澄城
縣北寺村案澄城縣志暉福寺在澄城縣北北
寺村宋太和十二年建卽此碑之暉福寺矣惟
縣志誤以北魏之太和爲宋之太和宋固無大
和年號也

澄城洧化二志皆署洪氏亮吉之名
而外陋特甚疑係他人所爲假其名

唐
以自重否則洪公原本爲妄人所改故紕繆如斯也附記於此

同州府澄城縣令鄭楚相德政碑

陳京撰鄭雲達正書貞元十四年

正月

存

全文見金石萃編

雍州金石記云在澄城縣南門內鄭公祠內

撰文之陳京自穎川來隸京兆萬年貴胄里字慶復柳柳州爲作行狀云其文章深茂古老慕司馬相如揚雄之詞而其訓詁多尙書爾雅之說記事樸實不苟悅於人世得以傳其橐官至

祕書少監云

白水縣

漢

倉頡廟碑并碑陰碑側

入分書
延熹五年正月

存

全文見金石萃編

關中金石記云在白水縣黃龍山廟內一云在白水縣東北五十里史官村歐陽公集古錄所云朔方太守碑陰卽此碑側也碑已磨泐惟兩側字尙可讀耳

倉頡廟碑額尹頌題名

入分書

存

倉頡廟碑額銜口升題名

入分書
熹平六年

存

題字均見金石萃編

均刻碑額之上

華州

唐

左武衛兵曹參軍贄抱墓誌銘

正書
天寶元年

逸

全文未見

華州志云明嘉靖十四年州西梁家村原邊土人耕田得墓隙入視無骨有誌銘石橫直俱一尺五寸曰贄抱墓蓋唐之鄭縣人左武衛兵曹

參軍也稱其葬地爲安樂鄉之原稱其葬日爲
天寶元年案此石今久逸矣 新唐書百官志
云左右武衛兵曹參軍事各二人正八品下

扶風

孔子廟堂碑殘字

程浩撰顏真卿正書

存

全文見金石萃編

金石文字記云此文載於唐文粹爲扶風

文宣王廟記大曆二年駕部郎中程浩文而今西安
府學有宋時僧夢英書此一記其文正同但去
扶風古縣也以下半篇今華州有此碑數十字
其文同 關中金石記云此文浩以大曆二年

作於扶風魯公曾書此於湖州華州有之非也
疑後人僞作余案今有一本上題少華探花王
氏家藏者爲原本又有重模本焉書法似多寶
塔碑此碑文筆古茂故唐文粹選錄其文又山
西夏縣有昭義軍節度使薛嵩碑大曆七年刻
亦浩所撰浩於當時必有文名惟藝文志未載
耳

潼關鎮國軍隴右節度使武康郡王李元諒懋功昭

德頌

張濛撰韓秀弼八分書
貞元五年八月

存

全文見金石萃編

雍州金石記云在華州州署大門內鳳枝曾見
此碑李元諒本名駱元光後賜今名新唐書有
傳

濟安侯廟記

李巨川撰柳懷素正書
光化二年四月

逸

全文未見

金石文字記云在華州城隍廟內近日移之西
安案此石今久逸矣 新唐書藝文志李巨川
有四六集二卷

華陰縣上

漢

西嶽廟神道石闕題字

篆書
金石錄云

永和元年立

逸

全文未見

寰宇訪碑錄云在華陰案此石今久逸矣

西嶽神道闕

篆書

逸

華陰縣志云西嶽神道闕五篆字刻在石人胸前雖剝蝕尙彷彿可辨今在西嶽廟中案此石今久逸矣

西嶽華山碑

八分書
延熹八年四月

逸

全文見金石萃編

向在華陰縣華嶽廟中明嘉靖時地震碑毀原

拓極不易得模本甚多惟儀徵阮文達公北湖
祠塾本尙能得其八九碑額有唐李德裕題名
二通裴胥題名一通蓋阮本較勝他本者以原
拓整幅鉤勒上石故規模猶存焉

武都太守題名殘碑陰

八分書

存

全文見金石萃編

今在華陰縣華嶽廟中

北魏

華嶽廟碑

劉元明書
太延五年正月

逸

全文未見

寶刻類編云在華州劉燕庭觀察

喜海

云此石

尚存然未見拓本雍州關中二記均未載其名

俟訪之

寶刻類編向載州名宋華陰縣屬華州其云在華州卽謂在華陰也

北周

華嶽頌

万紐于瑾撰趙文淵八分書天和二年十月

存

全文見金石萃編

今在華陰縣華嶽廟中

唐

西峯秦皇觀基浮圖銘

喬師望撰并八分書上元二年七月

未詳所在

全文見李蔭伯氏裕所撰華嶽志中

金石文字記云此當在華山西峯而今不得其處基字不諱而文有云匈奴口獵關塞口清越裳奉贄風塵不驚知其爲前上元也師望時爲華州刺史案新唐書諸公主列傳高祖女廬江公主下嫁喬師望爲同州刺史疑卽撰銘之喬師望也

華嶽精享昭應之碑

咸真撰劉升八分書開元八年

存

全文見金石萃編

雍州金石記云在華陰縣華嶽廟中刻於北周

華嶽頌碑陰銘詞雅飭漸開韓柳之風備錄如左焉

於錄太華降神西峙惟王荒之配天有祀雲雨成物馨香叶祉明明天子禱於愆陽肅肅蘇公王命是將克誠攸享離畢其滂年之用康祀事惟政非昵非假禮崇其敬祠而報焉以永終慶惟靈感和幽贊而生有豐者石刊之則貞

蘇公作頌孔頌其聲

此碑爲許公蘇頌祈雨而作蘇公蓋謂頌也

華山銘殘字

元宗御製并八分書開元十二年十一月

存

全文未見

關中金石記云在華陰縣華嶽廟今祇存駕如陽孕四字駕如者仙駕如聞句也陽孕者陰陽孕育句也碑爲黃巢所燬故自歐趙以來不著錄焉

述聖頌

達奚珣撰序呂向撰頌并正書開元十三年六月

存

全文見金石萃編

今在華陰縣華嶽廟中碑陰額上題開元十三年六月九日建十大字正書乃此碑之紀年也其下方爲韓賞告華嶽文天寶元年刻

推官劉繼元韓朝題名

正書

存

題云推官劉繼元韓翽共七字共二人在述聖
頌碑陰額上 新唐書百官志節度觀察團練
防禦等使有推官各一人

鄭虔題名

入分書

開元二十三年四月

未詳所在

全文未見

金石萃編謂主簿常冀尉元撫題名史子華刻
字者卽爲鄭虔題名未知其審

鄭縣尉李憺題名

正書

開元二十四年六月

存

題字見金石萃編

刻於北周華嶽頌碑左側賈竦謁華嶽廟詩下

第二層計一人

左輔頓窳刻石記

權倖撰杜繹八分書寶刻類編作李琚八分書開元二十四年十月

月

存

全文見金石萃編

在華陰縣華嶽廟中左輔謂左馮翊也頓謂置頓如今之尖站是也窳謂窳窳也此碑題名爲劉遵素權倖盧奕薛嶽裴季通苗元邵潤之杜繹李從一共九人

別駕蘇穎題名

正書

開元二十六年

存

題字見金石萃編

在北周華嶽頌碑左側李愔題名之後卽賈竦
謁華嶽廟詩下方也計一人

蘇炎題名 正書

存

在北周華嶽頌碑左側蘇穎題名之下計一人
題曰郊社丞蘇炎記新唐書百官志太常寺卿
所屬有兩京郊社丞各一人從八品上

常非異等題名

入分書
年月滿內有

史子華刻字五字故次開

元之末

存

題字見金石萃編萃編云此卽鄭虔題名未知

其審

在華陰縣華嶽廟中 常龔元撫史子華共三

人

告華嶽府君文

韓賞撰韓擇木八分書
天寶元年四月

存

全文見金石萃編

雍州金石記云在華陰縣華嶽廟中刻於唐述
聖頌碑陰之上方案此石刻於天寶元年四月
雍州金石記謂刻於開元十三年六月因碑陰
額上有開元十三年六月九日建十大字正書
其實乃述聖頌之紀年非此碑之紀年也此碑
自有紀年題云天寶元年歲次壬午四月乙亥

朔十日甲申共十七字八分書乃此碑之紀年也雍州金石記分晰未清故辨之

謁金天王神祠題記

顏真卿正書
乾元元年十一月

存

全文見金石萃編

刻於北周華嶽頌碑右側字迹奇偉似東方先生畫像贊碑 題名爲王延昌穆甯張澹劉暉鄭鎮顏真卿共六人劉暉鄭鎮又見張惟一祈雨記中

華州刺史張惟一祈雨記

李權入分書
乾元二年二月

存

全文見金石萃編

雍州金石記云在華陰縣華嶽廟中刻於唐述
聖頌左側 此石列名者張惟一劉曷口响李
緩鄭鎮王禁高佩崔季陽李權共九人

華陰令王宥等題名

李樞書年月篆書題名入分書
上元元年十二月

存

題字見金石萃編

刻於唐述聖頌之右側上截柳葉篆尤佳題名
爲王宥王紆王沐李齊佺口頌張彬竇或李演
邢涉王季友張彪孟昌源李樞共十三人附鄭
珣一人 關中金石記云李樞李權弟述書賦

注云李權淮安王神通曾孫工八分弟樞工小篆內有處士王季友卽杜甫所稱鄴城客子是也豫章圖經云季友鄴城人家貧賣履博極羣書李勉引爲賓客甚敬之 此刻題名篆書第一二行三行之間有閏月二字第三行四行之間有鄭縣丞鄭珥五字亦係唐人題名附記於此

太州別駕題名殘字

正書

存

題字見金石萃編

今在華陰縣華嶽廟中刻於唐述聖頌碑陰之上方韓賞告華嶽府君之文末行關中金石記

云華州以肅宗上元二年改名太州則此刻應
在肅宗時案駕字下隱隱有字迹被後人磨去
陳鄭澤潞等州節度行軍司馬殿中侍御史邱據題

名

正書

寶應二年六月

存

題字見金石萃編

在華陰縣華嶽廟中新唐書百官志節度使所

屬有行軍司馬一人

金吾大將軍題名

正書

存

在邱據題名之後題云潼關節度都虞候節度
副使元從鎮國大將軍左金吾大將軍銀青光

祿大夫殿中監 以下缺 案此題名金石萃編未

載焉 新唐書百官志天下兵馬元帥副元帥

都統副都統有中軍都虞侯一人節度使所屬

無有疑後來添置也又武散階正二品曰輔國

大將軍從二品曰鎮軍大將軍而無鎮國之號

藍田縣尉劉士深等題名 正書 廣德元年三月 存

題字見金石萃編

在華陰縣華嶽廟中題名者爲劉士深劉士清

李迪李迺李遠共六人迺卽逕字

李懷讓題名殘字 正書 存

今在華陰縣華嶽廟中僅存三行行七字備列如左

軍兼同華兩州節

鄉使持節華州諸

丞上柱國濟國公

關中金石記云唐常袞華州刺史李公墓誌銘云公諱懷讓以佐命功特授鎮國大將軍加特進兼鴻臚卿封濟國公充潼關鎮國軍使同華等州節度使華州刺史以廣德元年九月薨於華州軍府詔陪葬建陵

肅宗陵名

則此乃懷讓題名

也懷讓薨於廣德改元故附置於此計一人
通鑑唐紀代宗廣德元年夏六月同華節度使
李懷讓爲程元振所譖恐懼自殺誌中不言蓋
諱之也誌云懷讓薨於九月鑑作六月自當從
誌爲正懷讓不附程元振亦正人也

延州都督韋勝題名

正書

廣德二年二月

存

題字見金石萃編

今在華陰縣華嶽廟中末行有琇之同謁四字
琇之亦人名也計二人

華陰令李仲昌等題名

韋潞正書

廣德二年三月

存

題字見金石萃編

今在華陰縣華嶽廟中刻於北周華嶽頌碑左側賈竦謁華嶽廟詩下第一層題名爲李仲昌田游業韋澣韋況崔頊王卓蘇淮陽共七人韋澣又見下韋公右題名中韋況又有題名一通見大曆九年

韋公右等題名

正書

未詳所在

題字見金石萃編云行令韋公右行丞同正韋澣行尉李旣行尉劉口倩校書盧舒口共五人此石亦當在華陰縣華嶽廟中今未詳所在

下邳縣丞孫廣等題名

正書

廣德二年

存

題字見金石萃編

在李仲昌題名之後題名爲孫廣田遇共二人

大理司直焦煖等題名

正書

永泰元年

存

題字見金石萃編

在華陰縣華嶽廟中題名爲焦瑗焦琳焦賁共

三人

第五琦等題名

正書

大曆五年

未詳所在

題字見金石萃編云在北周華嶽頌碑右側顏

魯公題名之上題名爲第五公

第五琦

虞當李國

清孫曇王勰第五準共六人今未詳所在俟訪之

禮部尚書裴士淹題名

正書

大曆五年六月

存

題字見金石萃編

在華陰縣華嶽廟北周華嶽頌碑左側賈竦謁華嶽廟詩上第一層士淹由禮部尚書出爲饒州刺史時題名於此焉

口州司馬蘇敦等題名

正書

大曆五年

存

題字見金石萃編

今在華陰縣華嶽廟刻於唐精享昭應碑之下

方題名爲蘇敦蘇發蘇教蘇徹蘇敞蘇皎蘇教
蘇儼共八人又題云大厯中發任華陰縣令時
禮部尙書河東裴公出牧鄱陽敦與發徹同送
至此刻石題記此題名與裴士淹之題名固同
時也 字彙教讀衫上聲窄也

閩鄉縣尉盧綸等題名

正書

大厯六年六月

存

題字見金石萃編

今在華陰縣華嶽廟中題名爲陸漸陸永陸涓
盧綸趙鄴共五人盧綸字允言河中蒲人大厯
初數舉進士不入第元載取綸文以進補閩鄉

尉與吉中孚韓翃錢起司空曙苗發崔峒耿漳

夏侯審李端皆能詩齊名號大厯十才子見新

唐書藝文志及綸本簿此題名正其爲閩鄉縣

尉時所題也渾瑊鎮河中辟綸爲元帥府判官

遷檢校戶部郎中云舊唐書列傳綸事載其子

簡辭傳中謂綸爲王縉所知也 鳳枝案唐代

文人負盛名者應舉多不第太白以供奉召少

陵以進賦顯昌黎先生不遇陸宣公恐亦落孫

山之外當時龍虎榜之稱非虛語也盧綸負詩

名屢舉不入第元載知之是可異也渾瑊以武

人獨能禮賢下士尤足風云然則少陵之眷眷於嚴公有之也案嚴武之卒其母有免爲官婢之語武於當時并非純臣而杜詩一則云老親猶夙昔部曲異平生又則云一哀三峽暮遺後見君情沈痛若此蓋實因知己之感故也夫人之毀譽原無定論譽人不妨附和善善從長也毀人則不可附和惡惡從短也而於曾受恩遇之人遇他人謗議之時尤當不置可否默焉而已此亦忠厚之一端也因論虛允言事而附及之

庚口等題名

正書

大曆六年

未詳所在

金石萃編載此題名內有李互太基三峯野客
等人名多殘缺不全今未詳所在

開州刺史崔微題名

正書

大曆七年二月

存

題字見金石萃編

今在華陰縣華嶽廟中題名爲崔微崔漑康洽

侯季文共四人

郎仲堅題名

正書

大曆七年

未詳所在

全文未見

一作江陵少尹郭仲堅題名關中金石記云在

華嶽廟今未詳所在

禮泉縣令韋憑題名

正書

大曆七年十月

存

題字見金石萃編

詩一人

尚書虞部員外郎元澄等題名

正書

大曆八年十二月三

存

題字見金石萃編

今在華陰縣華嶽廟中題名爲元澄盧恆裴言

則共三人

華陰令盧朝徹謁嶽廟文

正書

大曆九年三月

存

全文見金石萃編

雍州金石記云在華陰縣華嶽廟中刻於唐述

聖頌碑陰下方

陽武令韋況題名

正書

大曆九年四月

存

題字見金石萃編

今在華陰縣華嶽廟中計一人

平陸主簿杜錫等題名

正書

存

此題名在韋況之右一爲平陸主簿杜錫一爲芮城主簿杜梅又一行云建四三月口三日未詳其義豈係題名年月而有遺字耶

鳳翔府司錄參軍李謀等題名

正書

大曆九年十月

存

題字見金石萃編

今在華陰縣華嶽廟中題名者爲李謀李融共

二人

侍御史上官沼題名

正書

大曆十三年七月

存

題字見金石萃編

在華陰縣華嶽廟中刻於唐精享昭應碑下方

在蘇敦等題名之左計一人

兵部尚書崔漢衡題名

虛做入分書
興元元年十二月

存

前題蓮華巍巍竹箭喧豨浩浩今古憧憧往來
十六字後題銀青光祿大夫守兵部尚書博陵

郡開國公崔漢衡又一行興元元年十二月二十三日華陰縣令盧做書

在華陰縣華嶽廟中刻於唐精享昭應碑後李休光題額字下崔漢衡盧做共二人

檢校水部員外郎崔頴等題名

正書

貞元元年二月六日

存

題云檢校水部員外郎崔頴華州司功參軍鄭齊暉華陰縣令韋綬貞元元年二月六日記字迹秀逸刻工亦佳耐人尋玩有晉人風範可寶也在華陰縣華嶽廟中刻於唐精享昭應碑咸

虞撰文題衙下計三人 新唐書百官志尚書

省工部屬水部員外郎一人從六品上

萬年縣尉裴堪等題名

裴濟正書
貞元九年七月

存

題字見金石萃編

今在華陰縣華嶽廟中刻於唐述聖頌碑陰下
方盧朝徹謁嶽廟文之後末行有請雨文三字
題名者爲裴堪盧佩盧渚鄭駟裴諫裴謚裴湏
共七人 關中金石記云湏河東聞喜人善隸
書唐書有傳

鄭全濟等題名

正書

貞元十二年三月

存

題字見金石萃編

今在華陰縣華嶽廟中刻於唐述聖頌碑陰裴
堪等題名之下方題名爲鄭全濟李端士鄭暉
共三人鄭全濟字巨舟

試太常卿尉昺題名

正書

元和元年正月

存

題字見金石萃編

今在華陰縣華嶽廟中計一人

孟簡題名

正書

元和元年二月

未詳所在

題字未見

寰宇訪碑錄云在華陰今未詳所在

華州司士參軍郭豐等題名

止書

元和元年七月

存

題字見金石萃編

今在華陰縣華嶽廟中刻於北周華嶽頌碑左側裴士淹題名下方題名爲郭豐李泮姚鵬舉韓晤崔樵門下典儀李誠明共七人 新唐書

百官志上州司士參軍事一人從七品下中州一人正八品下門下省典儀二人從九品下

賈竦謁華嶽廟詩

賈竦撰并正書

元和元年十月後有姪男宣義郎

行華州參軍取大和六年四月重修題字

存

詩錄如左

謁華嶽廟詩

賈竦作并書

老柏寒飈颺清祠書寂寂開門華山北嵐氣沈
日夕 國家崇明祀五嶽盡封冊福我西土民
報君金天籍惟神本貞信以道徵損益無乃惑
聰明訛言縱巫覡因循作風俗相與成濡溺疲
病閭里眈錐刀往來客我行歲云暮登殿拜瑤
席奠酒徹明靈緒言多感激鬱然展冠冕凜若
生予戟斑駁石色重陰森香煙碧虹梁無燕雀
玉座鎮虺蜴盼蠻似有聞依稀疑所覲髻年業
文翰弱冠荐屯厄天命幾微茫神廷徒悚惕今

來遊上國幸遇陶唐歷正直不吾欺願言從
所適

今在華陰縣華嶽廟中刻於北周華嶽頌碑左
側詩有盛唐軌範佳什也因備錄之書法亦古
拙可愛焉新唐書宰相世系表云賈竦爲宰相
賈竦之兄官著作郎又百官志文散階從七品
下曰宣義郎

關中金石文字存逸考卷八